



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë
Tel: 383 38 312 309 email: oshp@rks-gov.net

RAPORTI I EKSPERTIT SHQYRTUES

Eksperti Shqyrtues	Data e autorizimit të ekspertit	Date e dorëzimit të raportit	Nr. i lëndës
Flori Rexhepi	02.04.2026	14.04.2026	2026/0200
Eksperti Teknik	Data e autorizimit të ekspertit teknik		
Ernest Kërqeli	03.04.2026		

BAZA LIGJORE E SHQYRTIMIT

Me datën: 01.04.2026, OE “HELIUS SYSTEM sh.p.k”- Prishtinë, ka parashtruar ankesë me nr: 2026/0200, kundër anulimit të aktivitetit të prokurimit, lidhur me aktivitetin e prokurimit: “Mirembajtja dhe perkrahja e sistemit e-pasuria” me nr. të prokurimit: "214-25-11241-2-1-1", iniciuar nga Autoriteti Kontraktues (AK) – MINISTRIA E PUNËVE TË BRENDSHME.

Autoriteti kontraktues ka zbatuar procedurë të hapur, lloji i kontratës: shërbim, vlera e parashikuar e kontratës: 150,000.00 €.

Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

--

Autoriteti Kontraktues ka vepruar në kundërshtim me këto dispozita:

- Neni 1 – Qëllimi i LPP
- Neni 6 – Ekonomiciteti dhe efikasiteti
- Neni 7 – Barazia në trajtim / Mosdiskriminimi
- Neni 51 – Njoftimi i kriterëve të përzgjedhjes
- Neni 59 – Ekzaminimi, vlerësimi dhe krahasimi i tenderëve
- Neni 62 – Perfundimi I aktivitetit të prokurimit
- Neni 69 – Aftësia teknike dhe/ose profesionale
- Neni 72 - Dokumentacioni dhe informacioni shtesë
- Rregullorja Nr. 001/2022 për Prokurimin Publik

KRITERET PËR VLERËSIM

Kërkesat mbi gjendjen ekonomike dhe financiare	8.1 & 8.2	Ekonomski i finansijski kapacitet	<i>Dëshmia e kërkuar dokumentare:</i>
		a.Operatori ekonomik duhet ti ofrojë dëshmi të kënaqshme Autoritetit kontraktues, se qarkullimi vjetor (të hyrat) e OE gjatë tri viteve (2022, 2023, 2024) kanë qenë jo më pak se 300,000.00 €. Në rast të pjesëmarrjes së Grupit të OE, Lideri i grupit duhet të përmbushë së paku 60% të këtij qarkullimi minimal.	a.Kopjet e Deklaratave Tatimore Vjetore të dorëzuara në Administratën Tatimore ose nga vendi i origjinës.

Kërkesat mbi mundësitë teknike dhe/ose profesionale	9.1 & 9.2	Tehničke i profesionalne mogućnosti I.OE duhet të ofrojë kapacitetet e mjaftueshme të stafit profesional me përvojë në fushën e menaxhimit, analizës, zhvillimit të softuerit, zhvillimit të bazës së të dhënave dhe trajnimin e shfrytëzuesve.	<i>Dëshmia e kërkuar dokumentare:</i> I.Lista e stafit të angazhuar për këtë projekt të nënshkruar dhe vëltur
		Menaxher Projekti (1 menaxher) Diplomë Universitare Inxhinier i Kompjuterikes me telekomunikacion ose Master i shkencave kompjuterike ose Master inxhinierisë kompjuterike. Minimum 7 vite përvojë pune dhe menaxhim të së paku tre projekteve të natyrës së ngjashme të zhvilluara në platformën Microsoft (.NET me SQL Server). Certifikuar në PMP ose ITIL ose ekuivalente	-Diplomë Universitare përkatëse – (kopje). -Kontratë ose marrëveshja e punës valide me punëdhënësin për këtë projekt (kopje). -Letër reference nga punëdhënësit ose çfarëdo dokumenti tjetër që dëshmon përvojën e kërkuar –(Kopje). -Letër reference nga punëdhënësit ose çfarëdo dokumenti tjetër që dëshmon përvojën në projektet e realizuara – (Kopje); -CV-në, që dëshmon përvojën e punës; -Kopje e çertifikates. - Deklaratë nga OE të nënshkruar dhe vëltur.
		Zhvillues të softuerit (3 zyrtar) Diplomë Universitare si Baçelor i shkencave kompjuterike ose Baçelor inxhinierisë kompjuterike Minimum 5 vite përvojë pune në zhvillimin e softuerit (programim) të së paku tre projekte të natyrës së ngjashme të zhvilluara në platformën (.NET me SQL Server).	Diplomë Universitare përkatëse – (kopje). -Kontratë ose marrëveshja e punës valide me punëdhënësin për këtë projekt (kopje). -Letër reference nga punëdhënësit ose çfarëdo dokumenti tjetër që dëshmon përvojën e kërkuar –(Kopje). -CV-në, që dëshmon përvojën e punës

		Zhvillues të bazave të të dhënave (2 zyrtar) Diplomë Universitare, Baçelor i shkencave kompjuterike ose Baçelor inxhinierisë kompjuterike Minimum 5 vite përvojë pune në zhvillimin e bazave të të dhënave (database) të se paku tre projekte të natyrës së ngjashme të zhvilluara në platformën (.NET me SQL Server).	Diplomë Universitare përkatëse – (kopje). -Kontratë ose marrëveshja e punës valide me punëdhënësin për këtë projekt (kopje). -Letër reference nga punëdhënësit ose çfarëdo dokumenti tjetër që dëshmon përvojën e kërkuar –(Kopje). -CV-në, që dëshmon përvojën e punës.
		Analist të sistemit (1 zyrtar) Diplomë Universitare Inxhinier i Kompjuterikes me telekomunikacion ose Master i shkencave kompjuterike ose Master inxhinierisë kompjuterike Minimum 5 vite përvojë pune si analist në se paku tre projekte të natyrës së ngjashme të zhvilluara në platformën Microsoft (.NET me SQL Server).	Diplomë Universitare përkatëse – (kopje). -Kontratë ose marrëveshja e punës valide me punëdhënësin për këtë projekt (kopje). -Letër reference nga punëdhënësit ose çfarëdo dokumenti tjetër që dëshmon përvojën e kërkuar –(Kopje). -CV-në, që dëshmon përvojën e punës.
		Arkitekt i softuerit (1 zyrtar) Diplomë Universitare Inxhinier i Kompjuterikes me telekomunikacion ose Master i shkencave kompjuterike ose Master inxhinierisë kompjuterike Minimum 5 vite përvojë pune si arkitekt i softuerit në se paku tre projekte të natyrës së ngjashme të zhvilluara në platformën Microsoft (.NET me SQL Server).	iplomë Universitare përkatëse – (kopje). -Kontratë ose marrëveshja e punës valide me punëdhënësin për këtë projekt (kopje). -Letër reference nga punëdhënësit ose çfarëdo dokumenti tjetër që dëshmon përvojën e kërkuar –(Kopje). -CV-në, që dëshmon përvojën e punës.
		Ekspert për zhvillimin dhe konfigurimin e Ueb shërbimeve dhe Web API (1 zyrtar) Diplomë Universitare, Inxhinier i Kompjuterikes me telekomunikacion ose Master i shkencave kompjuterike ose Master inxhinierisë kompjuterike Minimum 5 vite përvojë pune në konfigurimin e Ueb shërbimeve dhe Web API në se paku tre projekte të natyrës së	Diplomë Universitare përkatëse – (kopje). -Kontratë ose marrëveshja e punës valide me punëdhënësin për këtë projekt (kopje). -Letër reference nga punëdhënësit ose çfarëdo dokumenti tjetër që dëshmon përvojën e kërkuar –(Kopje). -CV-në, që dëshmon përvojën e punës.

		ngjashme të zhvilluara në platformën e Microsoft.	
		OE duhet të dorëzojë - Çertifikatën valide që dëshmon certifikimin në ISO 9001 për menaxhimin të cilësisë, <u>Certifikimin në ISO 27001 për menaxhimin të sigurisë së të dhënave dhe certifikimin në IEC 20000-1:2018 për menaxhimin e shërbimeve të TI-se.</u> (në rast të pjesëmarrjes në grup të gjitha antarët e grupit duhet të jenë të çertifikuar me keto standarde)	Çertifikatat e kërkuara (kopje).
		Operatorët ekonomikë pjesëmarrës, duhet të kenë të përfunduara kontratat e ngjashme në zhvillim ose mirëmbajtje të sistemeve të zhvilluara në Microsoft ASP.NET dhe me baze të të dhënave në SQL Server, shumën e të cilave duhet të jenë jo më pak se 220,000.00 € të realizuar në tri vjetët e shkuara, para datës së publikimit të këtij njoftimi për kontratë.	Lista e kontratave, projekteve me të cilën saktësohen shërbimet e përfshira, shumën e kontratës, datën dhe pranuesin. Listës duhet të bashkëngjiten dëshmi kopjen e certifikatës (certifikatave) ose referencës, të nënshkruara nga pranuesi i shërbimeve për kontratat dhe projektet e cekura në listë, (kopje). (Nese kontrata janë me blerë privat duhet të bashkëngjiten edhe kopjet e transaksioneve bankare).

RAPORTI I KOMISIONI VLERËSUES

--


Republika e Kosovës
Republika Kosova-Republic of Kosovo
Qeveria - Vlada-Government
Ministria e Puneve te Brendshme-Ministarstvo Unutrasnjih Poslova-Ministry of Internal Affairs

B58 - NJOFTIM MBI VENDIMIN E AUTORITETIT KONTRAKTUES¹
Sipas Nenit 43.7 dhe 44.2 të Rregullave dhe Udhëzuesit Operativ të Prokurimit Publik

Titulli i kontratës: **Mirëmbajtja dhe perkrahja e sistemit e-pasuria**

Nr. i Prokurimit ²	214-25-11241-2-1-1
-------------------------------	--------------------

Nr.	Emri dhe adresa e Operatorit Ekonomik	Vlera totale e ofertës €
1.	CMD SH.P.K., Prishtinë, N. Terezhë 40a Nr. 2, 10000, Prishtinë	141,600.00€
2.	HELIUS SYSTEM sh.p.k, Rruga Mujo Ulqinaku, 1001, Tirana	97,500.00€


Rezultati i aktivitetit të prokurimit:

Ministria e Punëve të Brendshme anulon³ aktivitetin e prokurimit: Mirëmbajtja dhe perkrahja e sistemit e-pasuria

☒ Një dispozitë në Ligjin e Prokurimit Publik kërkon anulimin e aktivitetit të prokurimit.

☒ Një dispozitë në Ligjin e Prokurimit Publik kërkon anulimin e aktivitetit të prokurimit, nuk është pranuar asnjë tender i përgjegjshëm për këtë Aktivitet të prokurimit.

Data: 19/03/2026

Emri dhe mbiemri i ZPP: Agim ISLAMI

(nënshkrimi)

¹ Këtij formulari i bashkangjiten edhe letrat standarde të njoftimeve: B42, B45 dhe B46.(shtoni letra njoftuese sipas nevojës).

Të raportohet në çdo dokument apo kërkesë në lidhje me këtë aktivitet të prokurimit.

B58 - NJOFTIM MBI VENDIMIN E AUTORITETIT KONTRAKTUES

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

N/A

VLERËSIMI SIPAS NENIT 4.1.26 TË LPP

VENDIMET E MËPARSHME TË OSHP LIDHUR ME RASTET E NGJASHME

N/A

ARSYETIMI PËR DEVIJIM NGA PRAKTIKA E MËPARSHME

N/A

PËRGJIGJE NË PRETENDIMET ANKIMORE TË OE ANKUES - **HELIUS SYSTEM sh.p.k**

Mendimi i Ekspertit Teknik

Pretendimet Ankimore 2.A, 2.B dhe 2.C

Aktiviteti i Prokurimit	Nr. 214-25-11241-2-1-1 — <u>Mirëmbajtja dhe përkrahja e sistemit e-pasuria</u>
Autoriteti Kontraktues	<u>Ministria e Punëve të Brendshme (MPB)</u>
OE Ankues	2026/0200 HELIUS SYSTEMS <u>Sh.p.k, Tiranë, Shqipëri</u>
Pretendimi	2.A — <u>Zhvilluesi 1 (XH.L)</u> 2.B — <u>Zhvilluesi 2 (M.C)</u> 2.C — <u>Analist Sistemi (G.J.M)</u>
Data e hartimit	09.04.2026

Eksperti teknik, pas administrimit të dokumentacionit lidhur me pretendimet ankimore të OE ankues kundër kriterëve profesionale (9.1 dhe 9.2) të vendosura në DT, mendon:

Pretendimi ankimor 2.A — Zhvilluesi 1: z. Xhelal Likaj (XH.L)

OE ankues lidhur me këtë çështje pretendon se sa i përket skualifikimit të Zhvilluesit 1, z. Xhelal Likaj (XH.L), Autoriteti Kontraktues ka vepruar në kundërshtim me dispozitat e LPP-së, duke pretenduar se z. Likaj plotëson kriterin e 5 viteve përvojë në zhvillim softueri në platformën .NET me SQL Server, duke u bazuar në periudhën nga viti 2017 deri në momentin aktual, si dhe duke paraqitur tre projekte konkrete të ngjashme dhe certifikime të vlefshme

Microsoft.

Kërkesa e Dosjes së Tenderit (DT)

Eksperti teknik sqaron se lidhur me kriteret profesionale në DT për pozicionin **Zhvillues i Softuerit (3 zyrtarë) dhe Zhvillues i Bazave të të Dhënave (2 zyrtarë)**, është kërkuar:

Diplomë Universitare si Baçelor i shkencave kompjuterike ose Baçelor inxhinierisë kompjuterike;

Minimum 5 vite përvojë pune në zhvillimin e softuerit (programim), të se paku tre projekte të natyrës së ngjashme të zhvilluara në platformën .NET me SQL Server;

Dëshmi e kërkuar: Diplomë Universitare përkatëse (kopje), Kontratë pune valide (kopje), Letrër reference (kopje), CV-në që dëshmon përvojën e punës.

Eksperti teknik, duke analizuar kërkesat e DT dhe dokumentacionin e ofruar nga OE ankues në dosjen e tenderit, thekson se:

Lidhur me Diplomën

OE ankues ka paraqitur: **(i)** Diplomë Bachelor në Informatikë Ekonomike, Universiteti i Tiranës / Fakulteti i Ekonomisë, 2014–2017; dhe **(ii)** Master of Science in Computer Science, / Fakulteti i Informatikës, 2018–2020. MSc in Computer Science tejkalon qartësisht kërkesën minimale të DT-së për diplomë — kriteri i diplomës **plotësohet**.

Lidhur me Përvojën 5-vjeçare në .NET + SQL Server

Duke analizuar CV-në Europass të paraqitur, eksperti teknik konstaton kronologjinë e mëposhtme të karrierës:

<u>Periudha</u>	<u>Roli / Punëdhënësi</u>	<u>Përvojë .NET+SQL?</u>	<u>Vërejtje</u>
07/2017 – 07/2018	Software Developer @ <u>Helius Systems, Tiranë</u>	Po	C#, Visual Studio, MS SQL Server, Crystal Reports. E vetmja periudhë .NET+SQL e konfirmuar. ~12 muaj.
07/2018 – 10/2019	E papëc aktuar në CV	Jo	Asnjë pozicion pune i evidentuar. Përkon me studime Master (2018–2020).
10/2019 – 09/2020	Teaching Assistant @ CISPA Helmholtz Institute, <u>Gjermani</u>	Jo	Asistencë akademike në lëndë kibernetike. Jo zhvillim softueri.
10/2020 – aktualisht	Senior SOC Analyst @ Volkswagen Financial Services AG, <u>Gjermani</u>	Jo	SIEM, forensikë, threat hunting, cloud security. Rol ekskluzivisht kibernetik — asnjë .NET/SQL.
03/2024 – aktualisht	Cybersecurity Consultant (Part-Time) @ <u>Helius Systems</u>	Jo	Konsulencë kibernetike, kohë të pjesëshme. Jo zhvillim softueri.

Nga analiza e mësipërme rezulton se përvojë e verifikueshme e z. Likaj në .NET + SQL Server është ~12 muaj (07/2017–07/2018), ndërsa kërkesa minimale e DT-së është 5 vite. Mungesa: ~4 vite.

OE ankues argumenton se “përvojë fillon nga viti 2017 duke vijuar pandërprerë”. Eksperti teknik konstaton se ky argumentim nuk qëndron, pasi **Neni 69 LPP** kërkon vlerësimin e aftësisë teknike në bazë të përmbushjes reale të përvojës në fushën specifike të kërkuar, jo thjesht vjetësinë kronologjike të punësimit. Nga dokumentacioni i paraqitur rezulton qartë se nga viti 2019 e tutje, z. Likaj ka ushtruar funksione ekskluzivisht në fushën e sigurisë kibernetike, pa dokumentuar asnjë angazhim paralel apo të mëvonshëm në zhvillim softueri me .NET+SQL Server.

Lidhur me Letrën e Referencës (23.01.2026)

Letra e referencës e lëshuar nga Helius Systems e titullon z. Likaj si “*Senior Software Developer*”, por përmbajtja e saj e përshkruan atë si zhvillues **frontend** (React, Vue, TypeScript, aksesueshmëri, UI/UX). Projektet e listuara — e-Albania 2.0 (dizajn dhe implementim frontend, React/TypeScript), Eterna Suite – Posta Shqiptare (punë frontend, kod i pastër) dhe Sistemi i Notereve NISA (rifaktorizim kodit UX, “teknologjitë e platformës Microsoft”) — nuk konfirmojnë operacione specifike backend në .NET ose SQL Server pas vitit 2018. Referimi ndëj “platformës Microsoft” është term i gjerë dhe i papëc aktuar që nuk plotëson standardin e verifikimit të kërkuar nga DT. Kjo krijon mospërputhje të brendshme në dokumentacionin e OE vetë: titulli i letrës sugjeron zhvillim softueri, por përmbajtja e konfirmon rolin si zhvillues frontend, Megjithë atë e gjithë përvoja në kuadër të Letrës së Referencës duket se përshin vetëm periudhën një(1) vjeçare.

Lidhur me Certifikimet Microsoft

<u>Certifikimi</u>	<u>Nr. Certifikatës</u>	<u>Data</u>	<u>Statusi</u>
MCSD: App Builder	G494-7798	05.12.2017	<u>Fituar 2017 — i skaduar</u>
MCSA: Web Applications	G422-2195	21.11.2017	<u>Fituar 2017 — i skaduar</u>
Microsoft Certified Professional (MCP)	G417-4786	14.11.2017	<u>Fituar 2017 — i skaduar</u>
Exam 761: Querying Data with Transact-SQL	Transcript ID: 15053792	31.01.2018	<u>Fituar 2018 — i skaduar</u>

Certifikimet e paraqitura janë autentike dhe të verifikueshme (Microsoft Certification ID: 15053792). Megjithatë, të gjitha janë fituar gjatë periudhës **nëntor 2017 – janar 2018**, njëkohësisht me punën e vetme si Software Developer @ Helius Systems. **Asnjë certifikim i ri lidhur me platformën .NET nuk është i pranishëm pas vitit 2018**, periudhë gjatë së cilës karriera e z. Likaj ka ndryshuar plotësisht drejt sigurisë kibernetike. Certifikimet dëshmojnë kompetencë teknike të asaj periudhe, por nuk zëvendësojnë një kërkesën e DT-së për 5 vite përvojë pune të vazhdueshme sipas Nenit 69 LPP.

Konkluzion: Prandaj, bazuar në sqarimet e dhëna më sipër, eksperti teknik mendon se pretendimi ankimor i OE ankues kundër vendimit të AK lidhur me skualifikimin e Zhvilluesit 1 z. Xhelal L. ËSHTË I PABAZUAR.

Pretendimi ankimor 2.B — Zhvilluesi 2: z. Marin Çollaku (M.C)

OE ankues lidhur me këtë çështje pretendon se sa i përket skualifikimit të Zhvilluesit 2, **z. Marin Çollaku (M.C)**, Autoriteti Kontraktues ka vepruar në kundërshtim me dispozitat e LPP-së, duke e eliminuar atë me arsyetimin se diploma e tij në “Informatikë Ekonomike” nuk plotëson kriterin e DT-së për “Baçelor i Shkencave Kompjuterike ose Baçelor Inxhinierisë Kompjuterike”, dhe duke mos marrë parasysh përvojën mbi 7-vjeçare të dokumentueshme në zhvillim softueri me .NET dhe SQL Server, të konfirmuara me projekte konkrete kombëtare dhe financiare.

Kërkesa e Dosjes së Tenderit (DT)

Eksperti teknik sqaron se lidhur me kriteret profesionale në DT për pozicionin **Zhvillues i Softuerit (3 zyrtarë) dhe Zhvillues i Bazave të të Dhënave (2 zyrtarë)**, është kërkuar:

Diplomë Universitare si Baçelor i shkencave kompjuterike ose Baçelor inxhinierisë kompjuterike;

Minimum 5 vite përvojë pune në zhvillimin e softuerit (programim), të se paku tre projekte të natyrës së ngjashme të zhvilluara në platformën .NET me SQL Server;

Dëshmi e kërkuar: Diplomë (kopje), Kontratë pune valide (kopje), Letrër reference (kopje), CV.

Eksperti teknik, duke analizuar kërkesat e DT dhe dokumentacionin e ofruar nga OE ankues në dosjen e tenderit, thekson se:

Lidhur me Diplomën — Analiza Teknike e Programit Akademik

OE ankues ka paraqitur Diplomë **Bachelor në Informatikë Ekonomike**, lëshuar nga Universiteti i Tiranës / **Fakulteti i Ekonomisë**, 2014–2017, dhe Diplomë **Master i Shkencave në Sisteme Informacioni në Ekonomi**, po nga Fakulteti i Ekonomisë, 2017–2019.

Eksperti teknik konstaton se kriteri i DT-së kërkon formim të thellë teknik në shkenca

kompjuterike ose inxhinieri kompjuterike. Në kontekstin e universiteteve kosovare dhe rajonale, programet e klasifikuara si “Baçelor i Shkencave Kompjuterike” ose “Baçelor i Inxhinierisë Kompjuterike” — si Inxhinieri Kompjuterike dhe Softuerike (UP/FIEK), Shkenca Kompjuterike dhe Inxhinieri (UBT) dhe Shkenca Kompjuterike — Inxhinieri Softuerësh (AAB) — ndëtojnë tërë kurrikulën rreth disiplinave teknike kompjuterike: algoritëm i avancuar, arkitekturë sistemesh dhe softuerësh, inxhinieri softueri, bazat e të dhënave si modul i dedikuar e i thelluar, matematikë diskrete dhe logjikë formale, rrjeta dhe protokolle, siguri kompjuterike. Lëndët jo-teknike në këto programe janë minimale dhe kanë karakter plotësues. (<https://aab-edu.net/fakultetet/shkenca-kompjuterike/programet-studimore/shkenca-kompjuterike-bsc/qasja:09.04.2026;> <https://www.ubt-uni.net/en/study/bachelor-programs/computer-science-and-engineering/qasja:09.04.2026;> [https://fiek.uni-pr.edu/page.aspx?id=1,45,qasja:09.04.2026\)](https://fiek.uni-pr.edu/page.aspx?id=1,45,qasja:09.04.2026)

Programi “Informatikë Ekonomike” i Universitetit të Tiranës ka strukturë dhe orientim thelbësisht të ndryshëm. Sipas syllabusit zyrtar të publikuar nga Fakulteti i Ekonomisë, UT (<https://feut.edu.al/26-rreth-nesh/dekani,qasja:09.04.2026>), programi tre-vjeçar (180 ECTS total) ndëtohet mbi dy shtylla të barabarta: shtyllën e informatikës dhe shtyllën e ekonomisë. Shtyllën e parë e formojnë lëndët si Algoritmikë, Programim në C++, Programim në Java, Strukturë të Dhënash, Teori e Bazave të të Dhënave, Programim në Web dhe Arkitekturë Kompjuteri — lëndë me karakter teknik por të strukturuar si formim bazik e jo si specializim i thelluar. Shtyllën e dytë — dhe më të madhen në kreditë totale — e formojnë Marketing, Menaxhim, Mikroekonomi, Makroekonomi, Kontabilitet Financiar dhe Ekonometri, të cilat nuk kanë lidhje me formimin teknik të zhvilluesit të softuerit. Krahas këtyre dy shtyllave, programi përfshin edhe Matematikë të Zbatuar dhe Statistikë të orientuara drejt analizës ekonomike — disiplina të ndryshme substancialisht nga matematikë diskrete, logjika formale që ndëtojnë bazën algoritmike në programet e dedikuara të shkencave kompjuterike.

Eksperti teknik vëren se nga 180 kredite totale të programit, lëndët me karakter teknik kompjuterik zënë rreth 46 kredite ECTS — gjegjësisht rreth sa zë **një vit i plotë akademik** nga tre vitet e programit. Kreditë e mbetura shpërndahen midis lëndëve ekonomike, matematikës ekonomike, gjuhëve të huaja, lëndëve plotësuese dhe tezës së diplomës. Kjo strukturë tregon se formimi teknik kompjuterik, edhe pse i pranishëm, nuk është bërthama e programit — ai është njëra nga dy shtylla të një diplome ndërdisiplinare, e cila synon formimin e specialistëve të informatikës së aplikuar në biznes, jo të inxhinierëve ose shkencëtarëve kompjuterikë.

Klasifikimi zyrtar institucional pasqyron këtë orientim: diploma lëshohet nga **Fakulteti i Ekonomisë**, jo nga një fakultet i shkencave kompjuterike ose inxhinierisë, apo rëndom edhe nga fakulteti i shkencave të natyrës(UT). Ky klasifikim nuk është thjesht administrativ — ai pasqyron vendimin e vetë institucionit akademik se çfarë lloj profesionisti formon programi. Rrjedhimisht, programi “Informatikë Ekonomike”, pavarësisht prezencës së lëndëve IT, **nuk përputhet me klasifikimin akademik dhe thellësinë e formimit teknik të kërkuar nga DT. Kriteri i diplomës: NUK PLOTËSOHET.**

Lidhur me Përvojën 5-vjeçare në .NET + SQL Server

Eksperti teknik konstaton se z. Çollaku është i punësuar me kohë të plotë si **Software Architect @ Helius Systems** prej datës **16.07.2017 deri aktualisht** — mbi 7 vite e 8 muaj me vazhdimësi të pandërprerë. Kontrata individuale e punës e datës 01/07/2018 konfirmon pozicionin “**Zhvillues në Teknologji Informacioni**” me kohë të plotë dhe pa afat të caktuar. Teknologjitë e konfirmuara shprehimisht në CV: ASP.NET MVC 5, .NET Core, Services SOAP dhe REST API, C# (CSLA), SQL Server, Elastic Search, RabbitMQ, Redis, Hangfire. **Kriteri i përvojës: PLOTËSOHET.**

Lidhur me Projektet e Naturës së Ngjashme (.NET + SQL Server)

CV-ja e z. Çollaku liston njëmbëdhjetë projekte konkrete të zhvilluara si Software Architect, me ASP.NET MVC 5, .NET Core dhe SQL Server si teknologji kryesore. Drejtpërdrejt relevante me naturën e sistemit e-pasuria të tenderit përfshijnë: Migrimi i sistemit Eterna Financiare nga desktop në web (ASP.NET MVC + SQL, më shumë se 15 shërbime pagese); Eterna Postar System (ASP.NET MVC + SQL); SLDB Core Banking System dhe KRK Core Banking System (sisteme të integruara bankare në .NET + SQL Server); E-Posta Mobile Application (backend .NET Core + REST API); Eterna Fiscalization Module. Letra e referencës (23.01.2026) konfirmon gjithashtu pjesëmarrjen në Platformën Kombëtare e-Albania, Sistemin NISA dhe Crimson Albania — Core Banking System — të tria me .NET dhe SQL Server si teknologji kryesore. **Kriteri i projekteve: PLOTËSOHET.**

Lidhur me Certifikimet Microsoft

<u>Certifikimi</u>	<u>Nr. Certifikatës</u>	<u>Fituar</u>	<u>Skadon</u>	<u>Statusi</u>
Microsoft Certified: Azure Developer Associate (AZ-204)	6E5F8A-C34F3X	07.07.2025	08.07.2026	<u>Aktiv</u>
Microsoft Certified: DevOps Engineer Expert (AZ-400)	EFP455-FD5E7F	14.07.2025	15.07.2026	<u>Aktiv</u>
Microsoft Certified: Azure AI Engineer Associate (AI-102)	785W99-0B8C2C	23.07.2025	24.07.2026	<u>Aktiv</u>

Të gjitha certifikimet janë të verifikueshme online (username: Marinollaku-9649) dhe brenda afatit të vlefshmërisë. Certifikimi Azure Developer Associate (AZ-204), i fituar nëpërmjet provimit “Developing Solutions for Microsoft Azure”, konfirmon kompetencë aktuale në zhvillimin e aplikacioneve .NET në platformën Microsoft — drejtpërdrejt relevant me DT-në.
Kriteri i certifikimeve: PLOTËSOHET.

Konkluzion 2.B: Pretendimi ankimor i OE ankues kundrejt vendimit të AK lidhur me skualifi Zhvilluesit 2 z. Marin Collaku, në aspektin teknik të kriterit të diplomës, **ËSHTË I PABAZUAR** programi “Informatikë Ekonomike” nuk përputhet me klasifikimin akademik dhe thellësinë formimit teknik të kërkuar nga DT.

Pretendimi ankimor 2.C — Analist Sistemi: z. Gjergji Mulla (G.J.M)

OE ankues lidhur me këtë çështje pretendon se sa i përket skualifikimit të Analistit të Sistemit, **z. Gjergji Mulla (G.J.M)**, Autoriteti Kontraktues ka vepruar në kundërshtim me dispozitat e LPP-së, duke argumentuar se z. Mulla zotëron mbi 25 vite përvojë në IT, ka ushtruar funksione tipike të analistit të sistemit — si analizë kërkesash, projektim arkitekturash funksionale dhe teknike — dhe ka marrë pjesë si Project Manager dhe System Analyst njëkohësisht në projekte konkrete kombëtare të zhvilluara në platformën Microsoft, të konfirmuara me letrër reference të datës 23.01.2026.

Kërkesa e Dosjes së Tenderit (DT)

Eksperti teknik sqaron se lidhur me kriteret profesionale në DT për pozicionin **Analist i Sistemit (1 zyrtar)**, është kërkuar:

Diplomë Universitare Inxhinier i Kompjuterikës me telekomunikacion OSE Master i Shkencave Kompjuterike OSE Master Inxhinierisë Kompjuterike;

Minimum 5 vite përvojë pune si analist në se paku tre projekte të naturës së ngjashme të zhvilluara në platformën Microsoft (.NET me SQL Server);

Dëshmi: Diplomë (kopje), Kontratë punës valide (kopje), Letrër reference (kopje), CV.

Eksperti teknik, duke analizuar kërkesat e DT dhe dokumentacionin e ofruar nga OE ankues në dosjen e tenderit, duke u bazuar gjithashtu në literaturën profesionale ndërkombëtare mbi rolin e Analistit të Sistemit, thekson se:

Lidhur me Diplomën

OE ankues ka paraqitur dokumentacion akademik të nivelit të lartë dhe plotësisht të qartë: **(i)** Bachelor dhe Master i Shkencave në Informatikë, Fakulteti i Shkencave të Naturës, UT, 1997–2002; **(ii)** Master i Nivelit të Dytë në Shkenca Kompjuterike, Fakulteti i Shkencave të Naturës, UT, 2003–2006, fusha TIK, teza: “Implementation of Network Security through Firewall Appliance Integration”; **(iii)** PhD i Shkencave, Fakulteti i Shkencave të Naturës, UT, 2010–2016, fusha TIK, teza: “Development of a security plan for the protection of critical/sensitive information and business processes”; dhe **(iv)** titull akademik Prof. Asoc. Dr., Universiteti i Tiranës, 2016–2022. Të gjitha diplomat lëshohen nga **Fakulteti i Shkencave të Naturës** program i dedikuar teknik kompjuterik, me tituj të qartë “Informatikë” dhe “Shkenca Kompjuterike”. Kriteri i DT-së për diplomë **PLOTËSOHET**

Roli i Analistit të Sistemit — Analizë Konceptuale

Eksperti teknik thekson se bazuar në praktikën dhe literaturën profesionale ndërkombëtare mbi rolin e Analistit të Sistemit në kontekstin e projekteve IT, me qëllim të vlerësimit objektiv të dokumentacionit të paraqitur. Analisti i Sistemit është profesionist IT i cili specializohet në analizimin, projektimin dhe implementimin e sistemeve të informacionit — duke shërbyer si lidhja kritike midis objektivave të biznesit dhe zgjidhjeve

Funksionet kryesore të Analistit të Sistemit (i quajtur edhe Systems Analyst, Product Analyst ose Functional Analyst) ndryshojnë qartë nga ato të Project Manager: analisti fokusohet në nevojat e biznesit, kërkesat dhe qartësinë e zgjidhjes — ndërsa menaxheri i projektit fokusohet në planifikimin, koordinimin, dorëzimin, rrezikun dhe menaxhimin e burimeve. (<https://www.staffing-maker.com/assets/data/blogpage/ba-vs-pm-business-analyst-vs-project-manager-roles-skills-differences-1769204537> data qasjes 10.04.2026)

Analistit i Sistemit është person teknik që merret me mjedisin teknik ekzistues të organizatës, themelin teknologjik të sistemit të ri dhe mënyrën se si të dyja mund të integrohen në një zgjidhje teknike. Nga ana tjetër, menaxheri i projektit merret me plotësimin e projektit brenda afatit dhe buxhetit. Në disa raste, menaxheri i projektit është shpesh një analist i sistemit me përvojë, i cili nëpërmjet trajnimit ka fituar njohuri të specializuara të menaxhimit të projekteve (https://www.researchgate.net/post/what_are_integration_and_differences_between_system_analyst_and_project_manager_data_qasjes_10.04.2026), këto dallime konceptuale janë vendimtare për vlerësimin e dokumentacionit të z. Mulla.

Lidhur me Kronologjinë e Karrierës — Analizë në raport me rolin e Analistit

Duke analizuar CV-në Europass të paraqitur sipas periudhave kronologjike, eksperti teknik konstaton:

Periudha	Roli / Organizata	Tip roli	Relevanca ndaj kriterit SA .NET+SQL
1999–2004	IT Specialist @ Commercial Bank of Greece, Lincoln Foundation, UNHCR	IT Support	Të përgjithshme IT — pa specifikim funksionesh SA
2001–2012	Lektor @ Fakulteti Shkencave të Naturës, UT	Akademik	Mësimdhënie — jo përvojë pune në projekte .NET+SQL
2003–aktualisht	Project Manager @ Helius Systems	Project Manager	Rol i dokumentuar si PM: planifikim, menaxhim ekipi, koordinim. Jo SA. Projektet relevante por roli i dokumentuar: PM
2004–2010	Head of Telecommunication Sector @ Emporiki Bank	IT Security	Siguri rrjeti, firewall, endpoint. Jo analizë aplikacionesh .NET+SQL
2010–2013	Head of Information Security & PM BCP @ Credit Agricole Bank	IT Security/Governance	Qeverisje sigurie, BCP/DRP. Jo analizë funksionale e aplikacioneve
2013–aktualisht	Lektor @ Fak. Ekonomisë, UT	Akademik	Lëndë: Menaxhim Sistemes,
	(Dept. Statistikës dhe Informatikës së Zbatuar)		Cybersecurity, Menaxhim DB. Njohuri teorike — jo SA në projekte
2017–2020	ITG4AU Erasmus+ @ Universiteti i Tiranës	Akademik/Governance	IT Governance institucionale — jo analizë teknike aplikacionesh

Nga kronologjia e plotë e karrierës rezulton se **asnjë rol i dokumentuar në CV nuk emërton shprehimisht pozicionin “Analist i Sistemit”** — as si titull formal, as si funksion kryesor i

dokumentuar për ndonjë periudhë specifike. Karriera e z. Mulla dokumenton me qartësi tre profile profesionale të dallueshme: **Project Manager, IT Security/Governance Expert dhe Akademik** — të gjitha me vlerë të lartë profesionale, por asnjëra nuk korrespondon drejtpërdrejt me profilin e kërkuar nga DT.

Lidhur me Letrën e Referencës dhe Pretendimin e OE

OE ankues mbështetet kryesisht në Letrën e Referencës të datës 23.01.2026 të lëshuar nga Helius Systems, e cila e cilëson z. Mulla si “Project Manager dhe System Analyst” njëkohësisht. Eksperti teknik vëren dy aspekte kritike lidhur me këtë letrë:

Së pari — Kombinimi i titujve “Project Manager dhe System Analyst” në të njëjtën letrë reference pasqyron një realitet të njohur në industrinë IT, ku sidomos në kompanitë e madhësisë mesatare, të njëjtit profesionistë shpesh mbulojnë funksione nga të dyja rolet (https://www.researchgate.net/post/what_are_integration_and_differences_between_system_analyst_and_project_manager, qasja: 09.04.2026). Kjo mbivendosje, megjithëse e zakonshme në praktikë, nuk zëvendëson kërkesën e DT-së për 5 vite përvojë të dokumentueshme si analist, jo si menaxher projekti.

Së dyti — Letra e referencës është lëshuar nga **i njëjti punëdhënës që ka paraqitur ofertën — Helius Systems sh.p.k** — organizata ankuese. Funksionet e SA të përshkruara në letrë — analizë kërkesash, projektim arkitekturash — janë funksione që sipas profilin akademik z. Mulla padyshim i zotëron; por mungesa e dokumentimit të rolit të SA nëpërmjet një kontrate punës të pavarur ose reference të jashtme e dobëson dëshmisë e paraqitur.

Lidhur me Certifikimet

Portfolio-ja e certifikimeve aktive konfirmon dhe forcon profilin e z. Mulla si **ekspert i nivelit të lartë në IT Governance, Menaxhim Rreziku, Auditim dhe Menaxhim Projektsh**. Megjithatë, asnjë certifikim aktiv nuk ka lidhje me zhvillimin ose analizën teknike të aplikacioneve .NET + SQL Server të kërkuar nga DT. Certifikim et tipike për rolin e System Analyst përfshijnë CSAP, CBAP, PMP dhe Microsoft Azure (<https://www.springboard.com/blog/software-engineering/become-systems-analyst/>, qasja: 09.04.2026) — asnjë nga këto nuk është e pranishme. Certifikimi i vetëm Microsoft i paraqitur (MCP 2002, Windows 2000) është i skaduar dhe fituar 23 vite para datës së ofertës. **Kriteri i certifikimeve: NUK PLOTËSOHET.**

Konkluzion 2.C: Pretendimi ankimor i OE ankues kundrejt vendimit të AK lidhur me skualifikimin e Analistit të Sistemit z. Gjergji Mulla ËSHTË I PABAZUAR

Eksperti shqyrtues, sqaron se përveç arsyeve të eliminimit të OE ankues, për të cilat ka dhënë përgjigje eksperti Teknik, autoriteti kontraktues, e anulon në tërësi aktivitetin e prokurimit me arsyetimin se:

ARSYETIM PËR ANULIMIN E PROCEDURËS SË PROKURIMIT

Autoriteti Kontraktues kishte iniciuar procedurën e prokurimit me titull: Mirëmbajtja dhe perkrhja e sistemit e-pasuria, me numër të prokurimit: 214-25-11241-2-1-1.

Pas inicimit të kësaj procedure, me vendim të Qeverisë së Republikës së Kosovës me numër 02/02 të datës 20.02.2026 për riorganizimin institucional, është bërë ndarja e ministrisë, ku si rezultat janë krijuar struktura të reja institucionale. Si pasojë e këtij riorganizimi institucional është bërë edhe ndarja e buxhetit përkatës ndërmjet institucioneve të reja.

Për shkak të këtij ndryshimi, Autoriteti Kontraktues aktualisht nuk disponon mjetet e nevojshme buxhetore për realizimin e kësaj procedure të prokurimit, pasi buxheti i planifikuar për këtë aktivitet është ndarë sipas strukturës së re institucionale.

Duke u bazuar në këto rrethana dhe në pamundësinë për të siguruar financimin e kontratës, Autoriteti Kontraktues anulon procedurën e prokurimit, për shkak të mungesës së mjeteve buxhetore të nevojshme për realizimin e saj.

Ky anulim bëhet në përputhje me dispozitat përkatëse të Ligjit për Prokurimin Publik, që lejojnë anulimin e procedurës në rastet kur Autoriteti Kontraktues nuk ka më mjete të mjaftueshme buxhetore për realizimin e kontratës.

Eksperti shqyrtues, vlerëson se sipas dispozitave të Nenit 62 të LPP-se, një situatë e tillë nuk parashihet në dispozitat e nenit 62 të LPP-se, dhe rrjedhimisht qëndron pretendimi i OE ankues.

Poshtu eksperti shqyrtues, sqaron se përgjigjet në pretendime ankimore teknike janë dhënë nga eksperti teknik.

Raporti i ekspertit shqyrtues, lidhur me ankesën e parashtruar nga OE **“HELIUS SYSTEM sh.p.k”**, lidhur me aktivitetin e prokurimit **“Mirëmbajtja dhe perkrhja e sistemit e-pasuria”** me numër të prokurimit: **“214-25-11241-2-1-1**, të iniciuar nga Autoriteti Kontraktues (AK) – **MINISTRIA E PUNËVE TË BRENDSHME**

--

REKOMANDIMI I EKSPERTIT SHQYRTUES

Duke u bazuar në sqarimet e lartpërmendura, eksperti shqyrtues-teknik i propozon panelit shqyrtues që ankesa e OE ankues refuzohet si e pabazuar dhe të mbetet në fuqi vendimi i AK-se.

Raporti i ekspertizës ti dorëzohet:

- Autoritetit Kontraktues – **MINISTRIA E PUNËVE TË BRENDSHME**
- Panelit Shqyrtues – **OSHP**
- OE ankues – **HELIUS SYSTEM sh.p.k**

Florije Rexhepi



Ernest Kërqeli

